



- UPRAVNI ODBOR -

Na osnovu člana 63. Zakona o visokom obrazovanju Kantona Sarajevo („Službene novine Kantona Sarajevo“, broj: 43/08), a u skladu sa članom 167. stav 2. Pravila Univerzitetu Sarajevu, Senat Univerziteta u Sarajevu je, na 7. sjednici održanoj 27.05.2009. godine donio, a Upravni odbor Univerziteta u Sarajevu na 30. sjednici od 09.07.2009. godine, odobrio

ODLUKU

**o izmjenama i dopunama Pravilnika o polaganju ispita na visokoškolskim ustanovama
Univerziteta u Sarajevu
(za studente koji studiraju u skladu sa Bolonjskim procesom)**

I

Član 2. Pravilnika o polaganju ispita na visokoškolskim ustanovama Univerziteta u Sarajevu (za studente koji studiraju u skladu sa Bolonjskim procesom), koji glasi:
Uspjeh studenata na ispitu i drugim provjerama znanja, vrednuje se i ocjenjuje sistemom uporedivim sa (E)CTS sistemom kako slijedi:

- 10 (A) – (izuzetan uspjeh sa neznatnim greškama), nosi 95-100 bodova,
- 9 (B) – (iznad prosjeka, sa ponekom greškom), nosi 84-95 bodova,
- 8 (C) – (prosječan, sa primjetnim greškama), nosi 75-84 bodova,
- 7 (D) – (općenito dobar, ali sa značajnim nedostacima), nosi 65-74 bodova,
- 6 (E) – (zadovoljava minimalne kriterije), nosi 60-64 bodova,
- 5 (F, FX) – (ne zadovoljava minimalne kriterije i potrebno je znatno više rada), ispod 60 bodova.

U slučaju da nijedan student ne postigne 95 bodova, što predstavlja minimum za ocjenu 10, skala iz prethodnog stava može se korigirati prema najboljem postignutom uspjehu na prvom ispitnom roku.

Mijenja se i glasi:

„Uspjeh studenata na ispitu i drugim oblicima provjere znanja, vrednuje se i ocjenjuje sistemom uporedivim sa (E)CTS sistemom kako slijedi:

- a) 10 (A) – izuzetan uspjeh bez grešaka ili sa neznatnim greškama, nosi 95-100 bodova;
- b) 9 (B) – iznad prosjeka, sa ponekom greškom, nosi 85-94 bodova;
- c) 8 (C) – prosječan, sa primjetnim greškama, nosi 75-84 bodova;
- d) 7 (D) – općenito dobar, ali sa značajnim nedostacima, nosi 65-74 bodova;
- e) 6 (E) – zadovoljava minimalne kriterije, nosi 55-64 bodova;
- f) 5 (F, FX) – ne zadovoljava minimalne kriterije, manje od 55 bodova.

U slučaju da nijedan student ne postigne 95 bodova, što predstavlja minimum za ocjenu 10, skala iz prethodnog stava može se korigirati prema najboljem postignutom uspjehu na prvom ispitnom roku“.

II

Ova odluka stupa na snagu danom donošenja.

Obrazloženje:

Uvažavajući odredbe Zakona o visokom obrazovanju, dio šesti. Ciklusi studija i diplome (članovi 54-80) „Službene novine Kantona Sarajevo, broj: 43/08“, usaglašava se član 2. Pravilnika o polaganju ispita na visokoškolskim ustanovama Univerziteta u Sarajevu, (za studente koji studiraju u skladu sa Bolonjskim procesom), donesena je odluka kao u dispozitivu.

**REKTOR
UNIVERZITETA U SARAJEVU**

Prof. dr. Faruk Čaklovića
Prof. dr. Faruk Čaklovića

Broj:

Datum, 27.05.2009. godine

**PREDSJEDNIK
UPRAVNOG ODBORA**

Prof. dr. Sead Kečepagić
Prof. dr. Sead Kečepagić

Broj: 02-38-1773 / 65

Datum, 09.07.2009. godine